

躍舟舟在虛空之中如雲之升去地百餘丈而止於玄虛良久俛而告帝曰余上不至天中不累人下不居地何民之有陛下焉能令余富貴貧賤乎帝乃悟知是神人乃下華轎首礼謝曰朕以不德奉統先業予不任大慶於不堪雖治世事而心敬道德直以聞昧多所不了惟蒙道君私恩有以教之則幽夕觀太陽之耀光河上公即授不書老子道德經帝曰二馬謂帝曰孰研此則所疑自解余於是經以來千七百餘年凡傳三人連子四矣勿示非其人文帝跪受經言畢失公所在論者以為文帝好老子大道世人不能盡通其議而精思遐感仰徹太上道君遣神人特下教之使去耳恐文帝心未純信故示神變以悟帝意欲成其道真時人目号曰河上公焉太極左仙公葛玄曰老子以上望元年二月十二日丙午太歲丁卯下為周師到元極元年太歲癸丑五月壬午去周西度關開令尹喜宿命合道豫占見紫雲西邁知有道人當

度仍齋潔燒香想見道真以其年十二月廿五日老子度關也喜見老子迎設礼稱弟子老子曰汝應為此宛利天下棄賢世傳私大道子神仙者矣以升八日日中授太上道德經義洞虛元大无不已細无不入聖王不能盡通其義昔漢孝文皇帝好大道縱容无為之堂嘆凡聖無能解此玄奧精思遠感上徹太上道遣真人下授文帝帝微之盲道人即信稽傳授至人此字授定外儒所難傳多誤今當叅校此正之使與玄洞相應十方諸天人神仙天地鬼神所宗奉文同無一異矣吾已於諸天神仙大王授定受傳天人至士賢儒當宗極正真私道大度何可不精得聖人本文者乎吾所以有言此欲正玄妙於天地人耳今說是至矣明矣夫學仙者必能私幽蹟也

道士鄭思遠曰余家師葛仙公受太極真人徐來勒道德經上下馬仙公曩者所好加親見真人教以口訣云此文道之祖宗也詠詠万遍夷心汪玄者皆必外仙尤尊是書日夕朝

拜朝拜願念具如靈寶法矣學仙君子
宜私之焉仙公常秘此言无應仙之相好者
不傳也

太極隱訣

先燒香整服礼十拜心存玄中大法師老子
河上真人尹先生曰開絰蘊呪曰

玄玄至道宗上德體洪元天真雖遠妙近
緣泥丸君宮室皆七寶窓牖自有分淸靜常
致真駕景乘紫雲曰月左右照并仙長年全
七祖上生天世為道德門畢叩齒卅六通咽呪
卅六過先心存左青龍右白虎前來崔後玄
武足下八卦神龜卅六師子伏在前頭巾七
星五藏生五炁羅文霞身上三一侍絰各
後千乘万騎天地各有万八千玉童玉女衛之
口訣讀絰五百言輒叩齒三咽液三也